

# “УЗУН ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИҒИЛИШИ 1-СОН БАЁННОМАСИ

Сурхондарё вилояти,  
Узун тумани, Жомий кўчаси 22-уй

2019 йил 28 июнь

Умумий йиғилишнинг ўтиш жойи: Сурхондарё вилояти, Узун тумани, Жомий кўчаси 22-уй, “Узун пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **13:00**

Акциядорларни рўйхатдан ўтказиш тугаган вақт: **13:50**

Акциядорлар умумий йиғилиш бошланган вақт: **14:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 3 584 100.

“Узун пахта тозалаш” АЖ акциядорларининг навбатдан ташқари умумий йиғилиши кузатув кенгаши томонидан 2019 йил 21-майда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана – 2019 йил 10 июнь.

Жамият кузатув кенгашининг 2019 йил 21-майда ўтказилган йиғилишида акциядорларнинг навбатдан ташқари умумий йиғилишида қатнашиш ваколоти “Сурхондарёпахтасаноат” ХАБ АЖ бошқарув раиси в.в.б. Ш.Курбановга берилган.

Акциядорлар томонидан очиқ овоз бериш йўли билан бир овоздан йиғилиш раёсатига қуйидагилар сайланди:

1. Курбанов Шамситулла Аллаевич – “Сурхондарёпахтасаноат” ХАБ АЖ бошқарув раиси вазифасини вақтинча бажарувчи-Йиғилишда раислик қилувчи;

2. Гулямов Нигматулло Кадирович – “Сурхондарё минтакавий пахта терминали” МЧЖ қимматли қоғозлар бўйича иқтисодчиси;

3. Қаюмов Махмуд Маннонович – жамият Кузатув кенгаш аъзоси.

Йиғилиш котиби этиб А.Бобокалонов – жамиятнинг акциядорлар билан корпоратив муносабатлар хизмати бошлиғи сайланди.

Йиғилишни, йиғилишда раислик қилувчи Ш.Курбанов очди ва акциядорлар ҳамда йиғилиш қатнашчиларини қутлаб, йиғилиш қворуми бўйича ахборот бериш учун сўзни жамият кузатув кенгашинининг 2019 йил 21-майдаги йиғилиш қарорига мувофиқ сайланган санок комиссияси аъзоси М.Турахоновга берди.

Санок комиссияси ахбороти:

Қимматли қоғозлар Марказий Депозитарийси томонидан 2019 йил 10-июнь ҳолатига шакллантирилган “Узун пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 681 та акциядорга тегишли 3 584 100 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 2 329 275 дона овоз берувчи акцияларга эга бўлган 13 та акциядор (унинг вакили) рўйхатдан ўтди. Бу эса умумий овоз берувчи акцияларнинг 64,88 % ни ташкил этади ва йиғилиш ваколатли (қворумга эга) ҳисобланади.

Йиғилишга таклиф этилганлар:

1. Омонов Улуғбек Шукуруллаевич – жамият бош директори

Йиғилишда раислик қилувчи Ш. Курбанов йиғилиш кун тартибини эълон қилди.

## **КУН ТАРТИБИ:**

- 1. Санок комиссияси аъзолари сони ва шахсий таркибини тасдиқлаш.**
- 2. Акциядорларнинг навбатдан ташқари умумий йиғилишининг регламентини тасдиқлаш.**
- 3. Ўзбекистон Республикаси Вазирлар Маҳкамасининг “Пахта-тўқимачилик ишлаб чиқаришларини янада ривожлантиришга доир қўшимча чора-тадбирлари тўғрисида” 2019 йил 18-мартдаги 230-сон қарори ижросини таъминлаш тўғрисида.**

Кун тартиби эълон қилинганидан сўнг, муҳокамага ўтилди.

**Кун тартибидаги биринчи масала бўйича** йиғилишда раислик қилувчи Ш.Курбанов сўзга чиқиб, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2019 йил 21-майдаги йиғилиш қарорига кўра санок комиссияси таркибига Жамиятнинг акциядорлар билан корпоратив муносабатлар хизмати бошлиғи – Бобокалонов Азим Сиидкулович, Турахонов Мажидхон Мутавархонович – ҳисобчи, ҳисобчи – Неъматов Жасур Холмуродович номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 2 329 275 та овоз; “Қаршилар”- йўқ; “Бетарафлар” - йўқ.  
Нотўғри тўлдирилган бюллетенлар – йўқ.**

Кун тартибидаги биринчи масала бўйича акциядорларнинг навбатдан ташқари умумий йиғилиши қарор қилади:

- 1. Уч кишидан иборат қуйидаги таркибдасанок комиссияси тасдиқлансин:**
  - 1) А.Бобокалонов;
  - 2) М.Турахонов;
  - 3) Ж.Неъматов.

**Кун тартибидаги иккинчи масала бўйича** йиғилишда раислик қилувчи Ш.Курбанов сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 3 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун - 5 (беш) дақиқагача вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 2 329 275 та овоз; “Қаршилар”- йўқ; “Бетарафлар”- йўқ.  
Нотўғри тўлдирилган бюллетенлар – йўқ.**

Кун тартибдаги иккинчи масала бўйича акциядорларнинг навбатдан ташқари умумий йиғилиши қарор қилади:

**1. Жамият акциядорларининг навбатдан ташқари умумий йиғилишининг регламенти иловага мувофиқ тасдиқлансин.**

**Кун тартибдаги учинчи масала бўйича**—йиғилишда раислик қилувчи Ш. Курбанов Ўзбекистон Республикаси Вазирлар Маҳкамасининг “Пахта-тўқимачилик ишлаб чиқаришларини янада ривожлантиришга доир қўшимча чора-тадбирлари тўғрисида” 2019 йил 18 мартдаги 230-сон қарори ижросини таъминлаш тўғрисидаги қарорининг мазмун моҳиятини ўқиб эшиттирди. Қарорнинг 1-бандига кўра пахта тўқимачилик ишлаб чиқаришлари ва кластер худудида жойлашган 1-иловага мувофиқ пахта тозалаш корхоналари ва пахта тайёрлаш пунктларининг бино ҳамда иншоотларини уларнинг ташкилотчиларига 5 йил муддатга бўлиб тўлаш шарти билан баҳолаш қийматида сотиш белгилаб қўйилган.

Бугунги кунда, “Узун пахта тозалаш” акциядорлик жамиятининг буюртмасига асосан жамиятнинг барча мол-мулкларини баҳолаш учун махсус лицензияга эга бўлган “Вахолаш ва Konsalting Markazi” МЧЖ баҳоловчи ташкилоти билан шартнома тузилди. “Вахолаш ва Konsalting Markazi” МЧЖ томонидан “Узун пахта тозалаш” АЖ, жамиятга қарашли “Қоратоғ”, “Файзова”, ва ”Боботоғ” пахта таёрлаш пунктларининг барча мол-мулклари баҳоланиб бино ва иншоотлари 12 991 381 764 сўм, асосий воситалари ва товар моддий бойликлари 5 913 593 840 сўм жами 18 904 975 604 сўмни ҳамда номинал қиймати 500 сўм бўлган бир дона акциянинг бозор қиймати 651 сўмни ташкил этди.

Баҳолаш ҳисоботини ҳаққонийлиги “Konservis” МЧЖ баҳоловчи ташкилоти томонидан экспертизадан ўтказилиб, баҳоловчининг ҳисоботида фарқ аниқланмаган. Вазирлар Маҳкамасининг “Пахта-тўқимачилик ишлаб чиқаришлари ва кластерлари фаолиятини ташкил этиш бўйича қўшимча чора-тадбирлар тўғрисида” 2019 йил 18-мартдаги 230-сон қарорининг 2-иловасида “Узун пахта тозалаш” АЖ, ва жамиятга қарашли “Қоратоғ”, “Файзова”, ва ”Боботоғ” пахта таёрлаш пунктлари “Shashmohkashob” МЧЖ томонидан сотиб олиниши белгиланганлиги сабабли, жамият ижро органи томонидан 01-09/147-сон алоқа хати билан “Shashmohkashob” МЧЖ баҳоланган нархда тўловларни 5 йил давомида амалга ошириш шарти асосида мулкрий-мажмуа кўринишида сотиб олишни билдириб мурожаат қилинганлиги тўғрисидаги хатини ўқиб эшиттирди.

Шундан сўнг, йиғилишда иштирок этаётган акциядор М.Турахонов сўзга чиқиб, жамият мол-мулкни мулкрий мажмуа сифатида сотиб оладиган инвестор томонидан тўланадиган пул маблағлари 5 йил муддат билан тўлаб берилишини инобатга олиб, мулкрий-мажмуа сифатида сотиладиган бино ва иншоотларни ва асосий воситаларни сотиш тўғрисида тузиладиган шартноманинг 2.2 бандида, мулкрий мажмуа умумий қийматининг 20 фоизи, яъни 2 598 276 353 сўмга олди-сотди шартномаси тузилгандан сўнг 1 ой муддатда, мулкрий мажмуа умумий қийматининг қолган 80 фоизи, яъни 10 393 105 411 сўм тенг миқдордаги йиллик тўловлар, яъни 2020, 2021, 2022 ва 2023 йиллар ҳисобидан хар ойнинг 5 санасида 216 523 029 сўм миқдорида тўлаш шартини таклиф этди.

Кўчар мулклар, яъни 5 866 346 588 сўм Асосий воситаларни ижара шартномаси орқали фойдаланишга топширишни маълум қилди.

Шундан сўнг жамият акциядорлари номидан қатнашган вакил М.Қаюмов сўзга чиқиб, ушбу битим Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунининг 83-моддасига мувофиқ йирик битим эканлигини, овоз берувчи акцияларнинг эгалари бўлган

акциядорлармазкур қонуннинг 84-моддасиучинчи қисмига мувофиқ жамият томонидан мол-мулкни олиш ёки бошқа шахсга бериш билан боғлиқ йирик битим тузиш тўғрисидаакциядорларнинг умумий йиғилиши томонидан қарор қабул қилинганда, агар улар қарши овоз берган бўлса ёхуд овоз беришда узрли сабабларга кўра иштирок этмаган бўлса, ўзларига тегишли акцияларнинг ҳаммаси ёки бир қисмини мазкур қонуннинг 40-моддасига асосан жамият томонидан бозор қиймати бўйича қайтариб сотиб олинишини талаб қилишга ҳақли эканлигини ва жамият томонидан акцияларни қайтариб сотиб олиш ушбу акцияларнинг бозор қиймати бўйича амалга оширилишини маълум қилди.Бундан ташқари, акциядорларнинг ўзларига тегишли акцияларнинг жамият томонидан қайтариб сотиб олиниши тўғрисидаги ёзма талаблари акциядорлар умумий йиғилишининг тегишли қарори қабул қилинган кундан эътиборан ўттиз кундан кечиктирмай жамиятга тақдим этилиши кераклигини ва мазкур муддат туганидан сўнг жамият қайтариб сотиб олиш талабини қўйган акциядорлардан акцияларни ўн кун ичида қайтариб сотиб олиши шартлигини айтди.

Йиғилишда раислик қилувчи Ш.Курбановакциядорлардан мазкур масала юзасидан ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” –1 912 950 та овоз; “Қаршилар”–416 325 та овоз; “Бетарафлар” – йўқ. Нотўғри тўлдирилган бюллетенлар – йўқ.**

Кун тартибидаги учинчи масала бўйича акциядорларнингнавбатдан ташқари умумий йиғилиши қарор қилади:

**1. Ўзбекистон Республикаси Вазирлар Маҳкамасининг “Пахта-тўқимачилик ишлаб чиқаришларини янада ривожлантиришга доир қўшимча чора-тадбирлари тўғрисида” 2019 йил 18-мартдаги 230-сон қарори маълумот ва ижро учун қабул қилинсин.**

**2. “Узун пахта тозалаш” АЖ, “Қоратоғ”, “Файзова” ва “Боботоғ” пахта тайёрлаш масканларининг 12 991 381 764 сўм миқдордаги бино-иншоотлари тўғридан-тўғри шартнома тузиш йўли орқали “Shashmohkashob” МЧЖ сотилсин ва олди-сотди шартномаси белгиланган тартибда расмийлаштирилсин.**

**3. Кўчар мулклар, яъни 5 866 346 588 сўм миқдордаги Асосий воситалар фойдаланиш учун ижара шартномаси тузилсин.**

**4. “Узун пахта тозалаш” АЖ ва “Shashmohkashob” ўртасида “Узун пахта тозалаш” АЖ, “Қоратоғ”, “Файзова” ва “Боботоғ” пахта тайёрлаш масканлари ни мулкий мажмуа сифатида сотиш бўйича тузиладиган олди-сотди шартномасига тўловлар қуйидагича киритилиши таъминлансин:**

**- мулкий мажмуа умумий қийматининг 20 фоизи яъни 2 598 276 353 сўм олди-сотди шартномаси тузилгандан сўнг 1 ой муддатда;**

**- мулкий мажмуа умумий қийматининг қолган 80 фоизи, яъни 10 393 105 411 сўм тенг миқдордаги йиллик тўловлар, яъни 2020, 2021, 2022 ва 2023 йиллар ҳисобидан хар ойнинг 5 санасида 216 523 029 сўм миқдорида тўлансин;**

**5. “Узун пахта тозалаш” АЖ ва “Shashmohkashob” МЧЖ ўртасида мулкий мажмуани сотиш бўйича тузиладиган олди-сотди шартномасини имзолаш ваколати жамият бош директори У.Омоновга берилсин.**

**6. Акциядорларда акцияларни қайтариб сотиб олинишини талаб қилиш ҳуқуқи мавжудлиги ҳамда қайтариб сотиб олиш бўйича белгиланган нарҳи ва**

тартиби тўғрисидаги хабарнома жамият томонидан мазкур йиғилиш қарори қабул қилинган кундан эътиборан етти кундан кечиктирмай акциядорларга юбориш жамият бошқарувига топширилсин.


7. Акциядорларнинг ўзларига тегишли акцияларнинг жамият томонидан қайтариб сотиб олинishi тўғрисидаги ёзма талаблари “Узун пахта тозалаш” АЖга мазкур йиғилиш қарор қабул қилинган кундан эътиборан ўттиз кунданкечиктирмай жамиятга тақдим этилиши кераклиги эътироф этилсин.

8. Мазкур муддат тугаганидан сўнг “Узун пахта тозалаш” АЖ томонидан қайтариб сотиб олиш талабини кўйган акциядорлардан акцияларни ўн кун ичида баҳоланган бозор қийматида 1 дона акция 651 сўмда амалдаги қонун талабларига мувофиқ қайтариб сотиб олинсин.

9. “Узун пахта тозалаш” АЖнинг мол-мулки сотилиши ҳисобига ҳосил бўладиган солиқлар ўз вақтида ҳисобланиб, давлат бюджетига тўланиши таъминлансин.

10. Амалга оширилган ишлар тўғрисида “Сурхондарё минтақавий пахта терминали” МЧЖ ва “Ўзпахтасаноат” АЖга маълумот киритиб борилиши жамият бош директори У.Омоновга юклатилсин.

Акциядорларнинг навбатдан ташқари умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи Ш. Курбановакциядорларга уларнинг иштироқи учун миннатдорчилик билдириб, йиғилишни ёпиқ деб эълон қилди.

Йиғилишда раислик қилувчи:  Ш. Курбанов

Йиғилиш қотиби:  А.Бобокалонов



Йиғилиш баённомаси 2019 йил 06 июль кuni икки нусхада тузилди.